



Coimisiún na Scrúduithe Stáit

2011 · S50T

SCRÚDÚ AN TEASTAIS SHÓISEARAIGH 2011

Ealaín Ceardaíocht Gréaschóiriú – *Tionscadal*

GNÁTHLEIBHÉAL

Á eisiúint d'Oidí Ealaíne agus do Mhic Léinn um Ealaín Ceardaíocht Gréaschóiriú

4 DEIREADH FÓMHAIR 2010

Ní mór an tionscadal a bheith críochnaithe faoin

3 BEALTAINÉ 2011

An t-íosmhéid ama a mholtar: 42 uair an chloig

Tá 300 marc ag gabháil leis an tionscadal

75 marc—ULLMHÚCHÁN: Taighde agus fiosrúchán ag baint úsáide as meáin éagsúla.

75 marc—FORBAIRT: Staidéir a léiríonn smaointe cruthaitheacha indibhidiúla.

120 marc—RÉADÚ: Na saothair 2T agus 3T críochnaithe

30 marc—STAIÉIR THACAÍOCHTA: Obair radharcach agus scríofa atá bainteach leis an tionscadal

Treoracha do Mhúinteoirí agus d'Iarrthóirí san Ealaín Ceardaíocht Gréaschóiriú i Scrúdú an Teastais Shóisearaigh, 2011

OBAIR THIONSCADAIL

Ní mór an Tionscadal san Ealaín, Ceardaíocht, Gréaschóiriú a chomhlánú de réir an Chiorcaláin S64/09 (www.examinations.ie). Tá ar an múinteoir a dheimhniú go dtugtar cóip den scrúdpháipéar *An Teastas Sóisearach, 2011: Ealaín, Ceardaíocht, Greaschóiriú (Tionscadal): S50T* do gach iarrthóir. Ní mór don mhúinteoir a dheimhniú gurb í a c(h)uid oibre individiúil féin atá in ullmhúchán, forbairt agus réadú an tionscadail ar fad ag an iarrthóir agus caithfidh an múinteoir monatóireacht a dhéanamh ar an obair seo ar bhonn rialta. Is gá an obair thionscadail (réadú) a chur i gcrích sa scoil faoi mhaoirseacht an mhúinteora agus NÍ CEADMHACH don iarrthóir ná don mhúinteoir í a aistriú as an scoil sula marcáiltear an scrúdú i mí an Mheithimh.

Tá ar mhúinteoirí comhairle a chur ar iarrthóirí i dtaca leis na rialacháin a leanas:

OBAIR THIONSCADAIL

- Sainaitin do théama roghnaithe go soiléir, trína theideal a léiriú ar gach mír den obair.
- Caithfidh gur líníochtaí de chuid an iarrthóra féin atá sa réamhobair ar fad.
- Caithfidh go mbeidh gaol le sonrú idir gach roinn den Tionscadal agus an téama roghnaithe, mar a leirítear é ar an taobh amuigh den fhorchlúdach tionscadail. Muna mbíonn, caillfidh an t-iarrthóir marcanna faoi na ceannteidil ábhartha sa scéim mharcála.
- Ní ceadmhach go sáródh aon toisí déthoiseacha ná tríthoiseacha na huastoisí a shonraítear ar scrúdpháipéar 2011. Muna gcloíonn an t-iarrthóir leis an treoir seo, caillfidh sé/sí marcanna faoi na ceannteidil ábhartha sa scéim mharcála.

TÉAMAÍ

Roghnóidh iarrthóirí **CEANN AMHÁIN**

*Sainaitin teideal do théama roghnaithe
ar gach mír den obair.*

1. **Feadh Bhruach na hAbhann**
2. **Mo Limistéar Compoird Féin**
3. **Ag Tosú ar an Obair**
4. **Ag Casadh le Cairde**
5. **Toin agus Uigeachtaí**
6. **Dán:**

THE GARDEN SONG

by David Mallett

**Inch by inch, row by row
Gonna make this garden grow
All it takes is a rake and a hoe
And a piece of fertile ground
Inch by inch, row by row
Someone bless these seeds I sow
Someone warm them from below
'Til the rain comes tumbling down**

**Plant your rows straight and long
Thicker than with pray'r and song
Mother Earth will make you strong
If you give her love and care
Old crow watchin' hungrily
From his perch in yonder tree
In my garden I'm as free
As that feathered thief up there**

Treoracha d'iarrthóirí

Is FÉIDIR do smaoineamh a fhorbairt ag tosú duit ó fhoinsí 2T, 3T nó ó Staidéir Thacaíochta agus breathnóireacht dhíreach nó samhlaíocht nó teaghlaim den dá shórt á feidhmiú agat.

Is CUID riachtanach den tionscadal na staidéir ullmhúcháin agus ní mór íomhánna samhailteacha nó breathnaitheacha an iarrthóra a bheith faoi iamh. Ní ghlacfar le hobair a bhraitheann go hiomlán ar chóipeáil/rianú.

DÉAN DEIMHIN de go bhfuil do scrúduimhir ar taispeáint go soiléir ar gach cuid den obair a chuirtear i láthair. Cuir lipéad ar gach bileog a chuirtear i láthair agus ar an lipéad gumaithe a bheidh ann chuige sin scríobh síos an ceannteideal cuí.

SAINAITHIN DO théama roghnaithe go soiléir, trína theideal a léiriú ar gach mír den obair.

Ní DHÉANFAR scrúdú ach ar 9 mbileog A2 ar a mhéad. Ní cóir ach sraith amháin d'obair ealaíne a chur ar gach bileog.

NÁ DÉAN obair ar bith ar chúl bileoige.

An Tionscadal

Réimsí staidéir a éilítear

Staidéir 2T

Staidéir 3T

Rogha

Staidéir thacaíochta

Is féidir leat do chuid oibre do na réimsí staidéir a éilítear a tháirgeadh in aon ord is mian leat. Agus píosa oibre críochnaithe agat is gá duit rogha de na staidéir ullmhúcháin chuí, a thaispeánann bunús agus forbairt na hoibre, a ghreamú ar bhileog de pháipéar líníochta 59 x 42cm (A2) ar a mhéad.

■ Ní ceadmhach go sáródh aon toisí déthoiseacha ná tríthoiseacha na huastoisí a shonraítear ar scrúdpháipéar 2011. Muna gcloíonn an t-iarrthóir leis an treoir seo, caillfidh sé/sí marcanna faoi na ceannteidil ábhartha sa scéim mharcála.

Staidéir 2T

Péintéireacht

Déan péintéireacht atá bunaithe ar do phointe tosaigh.
Is féidir feidhm a bhaint as ábhair mheasctha.

NÓ

Gréaschóiriú Grafach

Dear agus déan ceann amháin díobh seo a leanas atá bunaithe ar do phointe tosaigh.

1. **Póstaer**
2. **Clúdach Físeáin**
3. **Forchlúdach Leabhair**
4. **Stampa Poist**
5. **Clúdach Ceirnín**
6. **Clúdach CD**
7. **Lógó**
8. **Bróisiúr**

Ní féidir dul thar 59 x 42cm (A2)

mar uasmhéid i gcás na péintéireachta ná an ghréaschóirithe ghrafaigh.

Staidéir Thacaíochta don 2T

Is féidir staidéir thacaíochta a bheith i bhfoirm radharcach agus i bhfoirm scríofa agus ba chóir go mbeadh ceangal idir iad agus an réimse seo de do thionscadal agus ba chóir go neartódh siad é. Ba chóir an roghnú deireanach díobh seo a ghreamú ar bhileog pháipéir 59 x 42cm (A2) ar a mhéad. Níor chóir ach sraith amháin d'obair ealaíne a chur ar gach bileog A2.

Staidéir 3T

Forbair smaoineamh atá bunaithe ar do phointe tosaigh agus cuir i gcrích é le ceann amháin nó le teaghlaim díobh seo a leanas:

1. **Múnlóireacht**
2. **Snoíodóireacht**
3. **Tógáil**

Maidir le toisí an pháisa oibre ní féidir dul thar 80cm i gcás an toise is mó.

Roghanna

Dear agus déan, ag leanúint le do phointe tosaigh roghnaithe mar bhonn agat, **ROGHA ÁMHÁIN** díobh seo a leanas:

	<i>Uasmhéid</i>
Baitíc	59x42cm (A2)
Blocphriontáil	59x42cm (A2)
Eitseáil	59x42cm (A2)
Leabharcheardaíocht	59x42cm (A2)
Peannaireacht	59x42cm (A2)
Bróidnéireacht	59x42cm (A2)
Fabraicphriontáil	59x42cm (A2)
Scáthlánphriontáil	59x42cm (A2)
Fíodóireacht	59x42cm (A2)
	<i>Uasluach i dtoise ar bith</i>
Miotalóireacht Ealaíne	26cm
Snoíodóireacht	26cm
Múnlóireacht/Teilgean	26cm
Pacáistíocht	26cm
Criadóireacht/Ceirmeacht	26cm
Puipéadracht	60cm

Tá sé thar a bheith tábhachtach cloí i ngach cás leis na huastoisí a shonraítear maidir leis na roghanna thuas. Muna gcloíonn an t-iarrthóir leis an treoir seo, caillfidh sé/sí marcanna faoi na ceannteidil ábhartha sa scéim mharcála.

Staidéir Thacaíochta don 3T agus don Rogha

Is féidir staidéir thacaíochta a bheith i bhfoirm radharcach agus i bhfoirm scríofa agus ba chóir go mbeadh ceangal idir iad agus an réimse seo de do thionscadal agus ba chóir go neartódh siad é. Ba chóir an roghnú deireanach díobh seo a ghreamú ar bhileog pháipéir 59 x 42cm (A2) ar a mhéad. Níor chóir ach sraith amháin d'obair ealaíne a chur ar gach bileog A2.

Liosta Seiceála don Tionscadal Gnáthleibhéal

- 1. Ullmhúchán don phéintéireacht nó don ghréaschóiriú grafach**
- 2. Péintéireacht nó gréaschóiriú grafach déanta**
- 3. Staidéir thacaíochta don phéintéireacht nó don ghréaschóiriú grafach**
- 4. Ullmhúchán don 3T**
- 5. An 3T déanta**
- 6. Ullmhúchán don rogha (2T nó 3T)**
- 7. Rogha (2T nó 3T) déanta**
- 8. Staidéir thacaíochta don 3T agus don rogha**

Liosta seiceála don aonad líníochta ag an nGnáthleibhéal

- 9. Líníocht ar fhoirmeacha nádúrtha/saorga**
- 10. Líníocht ar fhoirmeacha daonna**

Ná bíodh ach naoi mbileog ar a mhéad faoi iamh uait don Gnáthleibhéal.

Ní mór na bileoga sin a chur sa chlúdach atá curtha ar fáil ag Coimisiún na Scrúduithe Stáit.

Ní mór an obair 3T a bheith ar barr.

Ní ceart obair 3T a chur i mbeartán ná i mbosca.

- **Beidh an Scrúdú Líníochta ann i mí Bealtaine 2011. Ba chóir go bhfaighfeá an ceistpháipéar seacht lá roimh an scrúdú.**
- **Le linn an seacht lá seo, tig leat do líníocht ar do mhír roghnaithe a chleachtadh, cé ACU as Catagóir A (Foirmeacha Nádúrtha) nó as Catagóir B (Foirmeacha Saorga) ar Scrúdpháipéar 2011.**
- **Tig leat, freisin, cleachtadh a dhéanamh ar líníocht na staidiúire ar a bhfuil cur síos déanta i gCatagóir C (Foirmeacha Daonna) ar Scrúdpháipéar 2011.**
- **Ar lá an scrúdaithe, ní mór duit tosú as an nua ar do líníocht ar bhileoga bána, folmha líníochta.**
- **NÍ CEADMHACH DUIT OBAIR EALAÍNE D’AON CHINEÁL A THABHAIRT LEAT ISTEACH SAN IONAD SCRÚDAITHE.**

Is cion é forchlúdach séalaithe de chuid Choimisiún na Scrúduithe Stáit a athoscailt sula dtarlaíonn an mharcáil i mí an Mheithimh.